

Arnaldo eta Otegiri jarriak

I

Otegi sartu dute
berriz kartzelara
baina zure etxean
Arnaldo falta da.



MADDI SOROA

VIII

Ez zinen beldurtuko
orain Martutenen,
jende txarragoakin
egoten zinen lehen.

II

Zer moduzko udara
Donosti aldean?
Izozkirik banatzen
al dute gauean?

V

Igualtsu zeneukake
zigorra alafede!
Pekinen ta isilik
egon bazina ere.

IX

Zein doa kartzelara
politikagatik?
Ez bada ustelkeri
kasu batengatik?

III

Donostiko badia
hurbil dago hortik,
ikusi al dira suak
ziegako leihotik?

VI

Zu barruan zarela
asko pozik daude,
ta asko kontra baina
triste jarri gabe...

X

Ez da ona izango
gure panorama
normaltzat hartzen bada
zu sartu izana...

IV

Baina Arrigorriagan
zer esan zenuen?
Ez dakit delitua
Loiolakoa den...

VII

Nola oroituko da
kartzelakoekin
tratuan dabilena
kartzeleroekin?

XI

Tori nire postal hau
eta ondo segi,
laster arte Arnaldo
animo Otegi.